

[KAL] Ann Andreasen: – Paatsiveqanngissuseq
inuunerilluarunarpa, pilersaarutaanngitsunillu
iliuseqariataarsinnaasarlunga.

[DK] Ann Andreasen:
– Jeg trives nok godt med kaos, og
er meget spontan anlagt.

[GB] Ann Andreasen: – I thrive with
chaos and I am very spontaneous.

Meeqqanik ilaginnaangi- saannartog

Ummannami meeqqat
angerlarsimaffiata ningiua,
Ann Andreasen, meeqqat
inuunerissuunissaannik
suliaqarnini pillugu **nunatsinni
nunallu tamalaat akornanni
nersualarneqarluarpoq**

ALLATTOQ: **Trine Juncher Jørgensen**



Meeqqat angerlarsimaffianni meeqqanut nukit-
torsaataasumik isumassarsinartumillu nipiler-
sornermik, eqqumiitsuliornermik, filmiliornermik
kulturimillu ulluinnarni inuunermit akuliutsitsisin-
naassutsini pillugu Gernes Fondenip ataqqinaammik legatianik
2015-imi tunineqarpoq. Taanna Ann Andreasenip meeqqanut
atugarliortunut qeqertami Ummannami Qaasuitsup Killeqar-
fianit 500 kilometerinik avannarpasinnerusumiittumi suliniute-
qarluarnini pillugu siullerpaamik nersornaaserneqatiginngilaa.
Perorsaasormi 56-inik ukiulik meeqqat angerlarsimaffiata ukiuni
26-ni ningiuatut sulisimanini pillugu arlalissuarnik nersorna-
serneqarsimavoq. Tamannalu pissusissamisoorluinnartuusog,
suleqataasa ikinngutaasalu oqaatigaat.

– Ann meeqqanut periarfissanik takunnittarpoq. Meeqqat
nersualarneqartariaqernerat takusinnaasarpaa, aamma
suliassaqarfinnik meeqqat iluatsilluartumik angusaqarnermik
ataatsimooqatigiiffimmullu pitsaasumut ilaanerminnik misi-

gisaqarfisinnasaannik nassaarniallaqqissuuvoq, atuakkiortoq
ilinniartitsisorlu Erik Thom, Ann Andreasenimik ukiut qulit sin-
nerlugit ilisarimasaqarsimasog, oqarpoq.

Meeqqat atugarliortut

Ann Savalimmiuni inunngorpoq, kisiannili aqqaneq-marlunnik
ukioqarluni Albertslundimut nuulluni, tassanilu ajamini uianilu
najugaqarluni. Inuusuttuulluni Israeliliorpoq, tassanilu kibbutzi-
mi ukiorpanni najugaqarluni Israelimiullu meerartaannik, KZ-imi
tigusaaqqasimasut kinguaavinik, sullitaqarluni. Tamatuma ki-
ngorna Sinaip inoqajuitsuani beduinini marloriarluni najugaqar-
tarpoq. Kingorna Københavnimi seminariami perorsaasunngor-
niarpoq, tamatumalu peqatigisaanik Glostrupimi Kennedy
Centerimi, meeqqanik qaqutigooortunik nappaatilinnik isumagin-
niffisusumi, sulilluni. 25-nik ukioqarluni perorsaasutut ilinniak-
kaminik naammassinnereerluni Avannaanut aallarpoq Uum-
mannami Meeqqat Angerlarsimaffiannut suliarlorluni, tassanilu



kingorna ningiunngorluni.

– Paatsiveqanngissuseq inuunerilluarunarpa, pilersaaru-taanngitsunillu iliuseqariataarsinnaasarlunga. Imaanngikaluarpoq inuunera qanoq siunnerfeqartumik ingerlatissanerlugu aallaqqaataaniilli pilersaarusiormagiga. Nalaatsornerusumik pisoqarpoq. Assersuutigalugu Uummannami atorfik qinnutigigaku Kalaallit Nunaat pillugu ilisimasaqarpallaanngilanga, kisianni angajoqqaakka qatanngutikkalu Kalaallit Nunaanniissimapput, uangalu aamma taavunnarusullunga. Eqqarsarpunga, Israelimi meeqqanik angajoqqaaminnit inooqatiginnikkut sakkortuumik kingornutaqarsimasunik sullissinerma nanginneratut suliffik pisanganartuusinnaasoq. Aamma Kennedy Centerimi meeqqanik, timikkut tarnikkullu annertuumik unammilligassaqtunik, sulitaqarsimanerma nanginneratut. Kisianni kingumut qiviarlunga takusinnaavara, meeqqat atugarliortut inuuninni qitiutissimagikka. Uangali nammineq tunginnit tamanna eqqumaffigeqqissaarlugu isumaliutaasimanngilaq. Isumaqarpunga meeqqat iluatsilluar-

tumik misigisaqartinnissaat ilimagineqartunillu allaanerusunik piginnaasaqarnermikkut avatiminniittunik qanoq ilillutik tupaallatsitsinnaanerak takussallugu nuannarisarigiga. Meeqqat inuunerminni aqutissanik periarfissanillu nutaanik takunnissinnaalernissaannut ikorfartornissaat pineqarpoq. Assersuutigalugu nallukattat nutaamik akuleriisseqqillugit, Ann Andreassen, nunarsuarimi angalatumik Ole Jørgen Hammekenimik, Pipalummik paneqarfigisaminik Ludvig-imillu ernissaqarfigisaminik, ukiuni 20-ngajanni aappaqarsimasoq, oqaluttuarpoq.

Tikeraat ataqqinartut

Uummannami Meeqqat Angerlarsimaffiat piffissap ingerlanerani ataqqinartorpassuarunik pulaartoqartarsimavoq, assersuutigalugu FN-ip pisortaana Ban Ki-Moon, Danmarkimi ministeriunerusimasoq Helle Thorning-Schmidt aamma dronning Margrethe. Tamatuma saniatigut meeqqat nunarsuarimi tusarnaartitsisarfinni inunnut tuusintilikkuutaanut tusarnaartitsinissamat periarfis-



[KAL] Ann Andreasen Inatsisartut siulittaasuannit Lars-Emil Johansenimit Nersornaammik sølviusumik nersornaaserneqartoq.

[DK] Ann Andreasen modtager fortjenstmedaljen Nersornaat i sølv af formanden for Inatsisartut, Lars-Emil Johansen.

[GB] Ann Andreasen receives the medal of honour, Nersornaat in silver from the president of Inatsisartut (Parliament of Greenland) Lars-Emil Johansen.

saqartarsimapput. Imaanngitsoq aningaasat periarfissallu meeqqat angerlarsimaffiannut nunarsuarimi avannarpassinnerpaamiittut nakkaaginnartarsimmata. Suleqatitut qanigisai naapertorlugit Ann ulloq unnuarlut tamakkiapajaarlugit sulisarpoq.

- Inunni nalunngisanni sulinerpaasarunarpooq sakkortunerpaamillu sulisarunarluni. Ullaakkut nalunaaqutaq arfineq-marlunniit unnussuarmut sulisarpoq. Meeqqat angalaqatigi-gaangamigit aqputaani suna tamaat aqutsisuuffigisarpaa periarfissanilu tamaasa attaveqarfii isumaginissaannut ator-tarlugit, pingaartumik periarfissamik meeqqat angerlarsimaffiannut iluaqutaasinnaasumik takunnissimatilluni. Inuttut alutornarluninartuuvoq, aamma nukissaqassusia qanilaassusialu alutorisorujussuakka, Frankrigimiu filmiliorartoq, Marc Buriot, filmiliornermik suliniutini arlalinni Annimik qanimut suleqate-qarsimasooq, oqaluttuarpoq.

Aqquiti pingajuat

Ann qaarsutut toqqissisimanartutut aalaatsut meeqqanut najuussinnaanermik piginnaaneqarpoq. Inuuvoq pisariaqartit-sisoqartillugu tupallersaasinnaasooq, aqquitiussisinnasooq naveersisinnasorlu.

- Pissutsini unammilligassaasuni meeqqat sunik pisariaqartitsinerannik malussarniarnissamat pikkorillunartuuvoq. Meeqqamik qanorluunniit ajornakusoortigaluarpat ilagin-naangisaannarpoq. Aqquitiussisinnik nutaanik uagut allat eqqar-saatigisimannigisannik takusaqartarpoq, aamma pisussanik siumut isiginnillaqqissuuvoq pilersaarusiullaqqissuullunilu, taamaalillutilu suliniutit ingerlatallu tamatigut meeqqat tunngavi-galugit meeqqanullu pitsaanerpaasussamik pisarlutik, Mike Madigson, Annimik ukiorpassuarni ilarisimasaaqarsimasooq filmimullu "Inuk"-mut, Annip suliarinneqataaffigisaanut, najo-qutassamik allattoq, oqaluttuarpoq. Filmi taanna Uummannami meeqqat meeqqat angerlarsimaffiannarsut pingaarnertut inut-tarlugit immiunneqartoq, nunarsuup annersaani soqutigineqaqa-luni angallanneqarpoq, nunallu tamalaat akornanni nersornaasi-issutigineqartartunik 20-nik nersornaaserneqarluni, ilaatigut USA-mi Savannah Film Festivalimi nersornaatinik pingasunik.

"Inuk" Ann Andreasenip filmiliornermi suleqataaffigisimasaa-ni kisiartaangilaq. 2008-mi filmiliamik naatsumik "Silent Snow"-imik suliarinnittuuvoq. Ukiarulu filmi piviusulersaarsiaq "Call of the Ice", Uummannami aamma immiunneqartoq, saqqum-

mersinneqassaaq. Taakkua saniatigut atuakkanik, nipilersuk-kanik eqqumiitsulianillu suliarinneqataasarsimavoq sulilu tamakkununga peqataalluni. Ann Andreasen akuttunngitsumik oqartarpoq, nammineq nipilersorsinnaanani, erinarsorsinnaanani pinngorartitsisinnananilu. Tamanna iluemoorsinnaavoq. Kisianni allanik piginnaasaqarpoq.

Inunnik nipilersornermik, eqqumiitsuliornermik, filmiliorner-mik kulturimillu meeqqat ulluinnarni inuunerannut akuliutsit-sisinnasunik avammullu alapernaasilersitsisinnasunik immiun-tatersortitsisinnasooq.

Meeqqat angusaqarluarninnut pissutaapput

Ann Andreasen ilagiit meeqqeriviutaasa nersornaasiuttagaannik Gerda-prisimik 2009-mi nersornaaserneqarpoq. 2011-mi Uum-mannami najukkami Nersornaammik nersornaaserneqarpoq. 2013-imi siullermik Kalaallit Nunaanni Nersornaammik sølv-iusumik nersornaaserneqarpoq. Ukioq taanna kingusinnerusuk-kut Danmarkimi kulturikkut nersornaatit kusanarnerpaartaasa tusaamaneqarnerpaartaasalu ilaannik nersornaaserneqarpoq; Ebbe Munch Pris-imik.

- Uummannami suliatinnut atatillugu nersornaaserneqarner-mik misigisaqaraangama soorunami pilluaammertarpunga, tulluusimaartarlunga qujamasuttarlungalu. Uannullu nersornaatit annersaat tassaavoq, perorsaannik suliniutit iluatsikkaangata meeqqallu ingerlalluaraangata. Niviarsiaraatima ilaat atuarfimm-i eqiasuinnini pillugu nersornaaserneqarqammerpoq. Taanna A-nik karakterinnattuannarpoq, atuaqatigiinnilu pikkorinner-saalluni. Aamma sisamanik inuusuttuaraateqarpunga angusaris-saarlutik 10. klassimik naammassinneqqammersunik. Nukappia-raatigisimasalu ilaat ilinniakkaminik naammassinneqqammerpoq. Tamakku nuannaarutigisarpakka. Nuannaarutigisorujussuusar-pakka tulluusimaarutigalugillu! Meeqqammi meeqqat angerlar-simaffiannit qimagunnerannit siviusumik malittarisarpakka. Inersimasutut inuunermi ingerlalluarnissaat kissaatigisaqaa-ra.

- Tamatuma saniatigut meeqqat misigisaasa iluatsilluurtumillu angusaasa ilaqaannut aamma sunniulluarternerat erseqqissaati-gerusuppara. Meeqqat ingerlalluaraangata ilaqutariit tamarmiusut ineriartortarput. Immaqa meeqqamik maanna periarfissariligaan-nik namminneq periarfissaqarsimannigillat. Taamaalilluta inooqa-tigiinnermi kingornuttakkanik pitsaanngitsunik aamma qaangiit-sitseqataasarpugut, Ann Andreasen oqaluttuarpoq. *